

آبونه شرائطی

داخلی، خارجی، هریرایچون
سنه لکی (۲۵۰)، آلتی آیانی
(۱۳۰) غروشدور.

نسخه سی ۵ غروش،
سنه لکی ۵۲ نسخه در

اداره خانه

باب عالی جاده سنده دائرة مخصوصه
اخطارات

آبونه بدلی پشیندر

مسئله. وفاق آثار مع المنونیه
قبول اولور. درج ایدله یین
یازیلار اعاده اولونماز

والله یهدی من یشاء الی صراط مستقیم

محمد عاکف

اشرف ادیب

اتبعون اهدکم سبیل الرشاد

کتابخانه

۱۳۳۰

دینی، فلسفی، علمی، ادبی، سیاسی هفته لق مجموعه اسلامیه در
صاحب و مدیر مسئول

اخطارات

ادرس تبدیلنده آبریهه بش
غروش کوندورلیدر

مکتوبلرک امضالری واضح
واوقوناقلی اولسی و آبونه صره
نومروسی محتوی بولنسی
لازمدر

ممالک اجنبیه ایچون آبونه اولانلرک
آدرسارینک فرانسزجه ده یازلسی
رجا اولنور

باره کوندورلیدیکی زمان نهیه داتر
اولدینی واضعاً بیلدیرلسی
رجا اولنور

نعت جلیل محمدی

بوی رحمت که جسمک فیضبار خاکدان اولمش .
 زمینه فخر ایچون کافی دگلی اشبو قدسیت ؟
 مبارک روضه پاک مطاف قدسیان اولمش .
 اوروضه ک قبله الآمال امت یارسول الله !
 او روضه ک مہبط انوار رب مستعان اولمش .
 سنی حقہ مدح ایتمک نہ ممکن یا بنی الله !
 سنک مدحک بوتون شاعر لرہ حیرت سانی اولمش .
 سکا تجیل ایچون کوکدن اینوب قرآن علویت ،
 علوشانک بر شاہد والایان اولمش .
 سکا تکریم ایله خیل ملائکہ نعمہ پیرادر ،
 سکا ہب انبیا صفیستہ تعظیم و شان اولمش .
 سنک مصباح فیضکدن آیر ہب اولیا نوری ؟
 سنک مصباح فیضک بر توحہ نشان اولمش .
 وجودک طمینہ رحمت مولای ذوالانعام ،
 فیوضک امت مرحومہ کہ ظل امان اولمش .
 ظلام هول محشر دہ چراغ شفقتک واردر ،
 شفاعت نوری منہاج الخلاص مذنبان اولمش .
 نہ امتدر بوامت کیم سعادتدن خیابانلر
 چکلمش راسنہ ہر عاجزک بر سایبان اولمش .
 نہ ہر تندر بکا کوز یاشلرم جوی روان اولمش .
 مدد خواہم ، ضریم ، عاجزم ، عجزملہ جوشانم ؛
 او آتش باعث فخرم کہ قلمدہ نہان اولمش .
 سکا بر بندہ در مجدی کتر ، خاک پایکدر ؛
 لسان عشقلہ وردی دمادم «الامان» اولمش .

بالکسری ۱۸ نیسان ۱۳۱۸ ہجری القمریہ محمدی

جوشوب دریای وحدت ، مویہ لر کوہر فشان اولمش ،
 او کوہر شعلہ لفتش مایہ کون و مکان اولمش .
 او کوہر ، کوہر قاموس نور احدیتدر ؛
 آنک امواج فیضدن زمین و آسمان اولمش .
 دوشون اول بحر نوری ، شعلہ ریز چشم حقیق اول ؛
 نصل بر بحر کیم ہر قطرہ بحر بیکران اولمش .
 ایا فخر رسل ای نور سر جملہ اشیا ،
 تشکلبند اولوب نورکلمہ بویہ بر جہان اولمش .
 بدایمخانہ تکویندہ سنسک مبدأ الایجاد ،
 وجودک فیض ساری خطاب کن فکان اولمش .
 صاحبلمش لمہ لمہ نقش زرین کمالانک ،
 فلکک صورت آرای قشوق بر نیان اولمش .
 تجلیاب فیضا فیض اولوب بالای علین ،
 طراز عزتکدن ہر شایہ کرسی عیان اولمش .
 نصل بر فیض اقدسدن خروشاندرکہ انوارک ،
 آنک ہر لمہ سی مشعلقروز انس و جان اولمش .
 سن اول سلطان اورنک ہدایتسک کہ اجلالک
 سراپا اوف سکز بیک طالعہ طغرائ شان اولمش .
 سن اول علامہ علم لدن (ادن منی) سک
 کہ روحک ملک ہرقانہ شہ صاحبقران اولمش .
 سن اول طاوس باغ بہجت آراسک کہ جبرائیل ،
 سنک شوق جمالکلمہ اوباغہ باغبان اولمش .
 حبیب خاص مولاسک ، بویوزدندرکہ ہر خلقک
 جہان عشق ایچندہ بر جمال جاودان اولمش .
 خدای لم یزل قلمش سنی بر نسخہ کبری ؛
 اولسخہ ، نسخہ پیرای جہان باغ جان اولمش .
 مملا سایہ قدسیتک افلاک دوشمکدن

اسرار قرآن

بسم الله الرحمن الرحيم

ولا بکر عوان بین ذلک فافعلوا ماتؤمرون . قالوا ادع لنا ربک
 یبین لنا مالونہا قال انه یقول انہا بقرة صفراء فاقع لونها
 تسر الناظرین . قالوا ادع لنا ربک یمین لنا ماہی ان البقر تشابه
 علینا وانا ان شاء الله لمہتدون . قال انه یقول انہا بقرة لاذلول
 تثیر الارض ولا تسقی الحرث مسلمة لا شئیہ فیہا قالوا الان
 جئت بالحق فذبھوها وما کادوا یفعلون .

واذ قال موسی لقومہ ان الله یأمرکم ان تذبھوا بقرة قالوا
 اتخذناہز واما قال أعوذ بالله ان اكون من الجاہلین . قالوا ادع لنا
 ربک یمین لنا ماہی قال انه یقول انہا بقرة لا فارض

مآل کریمی

هان ، موسی قومنه (کیم اولدیفنی بیلیمدکلی قاتلی میدان چیمارمسی ایچون واقع اولان مراجهتلرنده) « جناب حق بر اینک کسمکزی امر ایدیور » دیوب ، « بزی مسخره برینه می قویورسین ؟ » جواخی آلتجه (امر السبی بی تبلیغ کی عظیم بر ایشه هزل قادیفسدیره حق) جاهلاردن اولق فلاکتدن الله صیفیزم « دیمشدی . بونک اوزرینه « تاگریکه طرفزدن یالوارده بوانسکک ناصیل براینک اولدیفنی بزه بیلدیرسین » دیدیلر ، اوده « الله بیوریورکه : اونه پک کچکین ، نه ده چوق کنج اولابوب ایکسینک اورتی سیدر . احوالده امر اولندیکنز شیشی برینه کتیریکز » دیدی . قومی تکرار ، « تاگریکه طرفزدن یالوارده رنکی نه در بزه بیلدیرسین » دیدیلر ، موسی « الله بیوریورکه : اورنکی صاب صاری براینکدر ، باقارلرک خوشنه کیدر » دیدی . « تکرار تاگریکه طرفزدن یالوارده اینکک ماهیتی بزه ایجه بیلدیرسین ، زیرا بوکا بکزمین بر چوق صغیرلر کوروب شاشیردق . انشاء الله (اصل مقصود اولان اینکی) بولورز » دیدیلر . موسی « الله بیوریورکه : (او جفته دولابه قوشیلوب) طوبراغی سورمش ، اکی صولامش اولایان بر اینکدر ، هر شیدنی سالدیر ، اوزرنده هیچ بر آلاجه سی یوقدر » دینجه « اینته شیمدی سوزک تمنی سوبلک » دیهرک اینکی بوغازلادیلر . حالبوکه امر اولندقلری ایثی یایماه باقلاشما یورلردی .

* *

آیت کریمه عصر سعادتده کی یهودیلر بونلرک سفلی اولان بنی اسرائیلک تکالیف و اوامر الهی نی فصل قارشیلادیغنی و حضرت موسانک بونلرک عناد و ضلالتلرینه فصل مقاومت ایتدیکنی بیان ایدیور . جناب حق قوللر نی ، هانکی نوعدن اولورسه اولسون ، تکالیف ایله امتحان ایدرکه بونلرک اییلرله کوتولری ، مؤمنلرله منافقلری ، اوامر الهیه مطیع و متقاد اولانلرله عناد و ضلالتده یویان اولانلری میدان چیقسن . (ولبونکم حتی تعلم المجاهدین منکم والصابرین ونبلو اخبارکم)

حق تعالی بنی اسرائیلی ذبح بقرله امتحان ایتدی . فقط اونلر حضرت موسانک استهزا ایتدیکنی ظن ایتدیلر . و قاکه حضرت موسی بر طاقم تکالیف باطله سرد ایتک کی حماقت و جهالتلردن تبریه ذمت ایدرک بونک بر وحی الهی اولدیفنی ، و کندیسنک بو وحی تبلیغ ایله مکلف بولندیغنی بیان ایتدی . بنی اسرائیل اوندن صوکره بقره نک اوصافی سورمغه ، اونی مشکلاته دوچار ایتیه باشلادیلر . حالبوکه بونلر ذبح بقره ایله تکلیف ایدیلنجه همان بر بقره نی کسمش اولسولردی ایش اولور بیتر ، احکام الهیه ایله اوایله استهزا و رسول الهی استخفاف یوزندن شدت و تضییق ایله معاملله اولمقدن قورتولورلردی . بقره نک خلاصه اوصافی نه یاشلی ، نه ده طوغور مامش اولماسی ، بلکه بونلرک آره سنده بولماسیدر . بنی اسرائیل بقره نک یاشنی ا کلا- دقدن صکره رنکنی سورمغه باشلادیلر . حضرت موسی بونک رنکنی ده تعین ایله صاری ، فقط صاب صاری اولدیفنی بیان ایتدی . بنی اسرائیل بو اوصاف ایله اکتفا ایتیه رک ده ا بشقه سؤاللر ایراد ایتدیلر . بونک اوزرینه بو بقره نک چیفت سورمک ایچون ، صو دولابی چویرمک ایچون قوللانلدیغنی ، رنکنک صاریلغنه بشقه رنکک قاریشمادیغنی ، کافه معایب و امراضدن سالم اولدیفنی ا کلا دیلر .

آیت کریمه دن کسبیه جک بقره نک معلوم و معین اولدیفنی ا کلا- شیلدیغندن بنی اسرائیلک بوسؤاللرله حضرت موسایی امتحان و جناب حقک اونی بقره نک صفات و مشخصاتنه آگاه ایدوب ایتیه دیکنی ا کلامق ایسته دکلی توضیح ایدیور . حالبوکه حضرت موسی بقره نک کافه صفاتی تعریف ایتش و بناء علیه اونک طوغورولنی ، وحی ربانی به مظهر اولدیفنی تعین ایتش ایدی .

بونى ، « الآن جئت بالحق » قولى اثبات ایتکده در . حق ، امر ثابتدر . بنی اسرائیل بو بقره دن خبردار اولماسلر حضرت موسانن وقوع بولان استفسارلر نی بو نقطه ده بیراقازلر و بالخاصه اونلرک هر ترددی ازاله ایدن حق سوبلیدیکنی اعتراف ایتزلردی .

بعض مفسرلرک بنی اسرائیلک اویدورمه لرندن اقتباس و بوسددده سرد ایتدکلی قصص خرافیه دن و بالخاصه - بزم بیلدیکمزه کوره - ابن عباس ایله علیه الصلاة والسلام اقدمزله اسناد ایتدکلی اصلنر روایاتدن صرف نظر ایتدیکمزه تقدیرده آیت کریمه نک سیاقندن واسلوب میتندن شواستنباط اولنورکه بنی اسرائیل محقق کندی آره لرندمه معین بر بقره نی کسمه نی قرارلاشدیرمشلر ، صکره حضرت موسایه کله رک جناب حقک پیغمبر نی اونک صفاتنه آگاه ایدوب ایتیه جکنی ا کلامق ایسته مشلر . بناء علیه حضرت موسایه کلتجه جناب حقک اونلره بر بقره کسمه لر نی امر ایتدیکنی بیان ایتدی . بنی اسرائیل حضرت موسانک ، آره لرندمه قرارلاشدیردقلری شیشه مطلع اولدیفنی کورونجه مضمرلر نی کیزله مکه جالیشه رق « بزمه استهزامی ایدیورسک » دیدیلر . بویله جه حضرت موسایی شبهه دوشورمک ، وحی الهیه نفسنک اطمینان ایتمه مسنی تأمین ایتک ایستیلرلردی .

فقط موسی قلبنده جریان ایدن حالک وحی الهی اولدیفنی بیلورلردی . و بونک ایچون « اعوذ بالله ان اکون من الجاهلین » دیمشدی .

بنی اسرائیل حضرت موسانک ثبات قلبی ، تلقی ایتدیکی وحیک طوغورولنی حقتده یقینی کورونجه بقره نک اوصاف و مشخصاتی تعداد ایتشنی طلب ایتدیلر . حضرت موسا بونلری ده کندیلرنجه معلوم اولان صفاتیله تعداد ایتنجه آرتیق بقره نی کسمکدن بشقه چاره لر ی قالدی . فی الواقع بونلر بقره نی کسمک ایسته میور و بوندن طولانی اوصافی ایسته مکده اصرار ایدیور ، مشکلیسنک کوستریورلردی . بونلرک (وانا ان شاء الله لمهتدون) دیمه لر حضرت موسایه قارشى معاند و مستهزی اولدقلری کوسترمک ایچوند .

بو قصه حضرت موسی ایله قومی آره سنده کچن محاوره نی سرد ایتدیکی کی حضرت موسانک اونلره آیات الهیه نی هیچ شک و شبهه بیراقیه حق صورتده فصل کوستردیکنی بیان ایتکده در .

مفسرینک بو صدده پک چوق سوزلری واردرکه بونلرک کرک کتاب اللهده ، کرک صحیح احادیثده برسدنی بولسهدق کمال منونیتله قبول ایدردک . حالبوکه بز بونلرک مفصلا بیان ایتدکلی سوزلرک ادله سنی تفحص ایدرک اسرائیلیاتی آشامدیغنی و بعضی برلرده مصنع روایتلردن عبارت قالدیفنی کوردک .

غریب اودر که بوتقاسیری مطالعه ایدنجه هپسینک لفظ ، معنی ومنبع اعتباریله متشابه اولدینی ، اولجه برینک تحقیق و تحریرده نقصان بیراقدینی ، یاخود یا کلدینی برشیدم اوندن صکره کلنلرک تماملامایه ، یاخود طوغرولتمه غیرت ایتمه دکلرینی کوریوروز . بناء علیه مسلمان قرده شلرمزه شونی توصیه ایدرز که سنت سنیه نیک تنیت ، یاخود کتاب اللهک تأیید ایتمه دیک شیلره اهمیت ویرمه سونلر . چونکه سوزک اک طوغرولسی کتاب الله ، ارشادک اک خیرلیسی علیه الصلاة والسلام اقدمنرک ارشادیدر .

عبدالعزیز چاویش

موعظه

دارالحکمة الاسلامیه اعضاسندن ، «دینی ، فلسفی مصاحبه لره محرر محترمی فاضل شهر فرید بک اقدی آیاصوفیه جامع شریفنده کی موعظه لرینه بکن جمعه دن اعتباراً باشلادیلر . نزه قلمیله ، جوال فکرلریله یوکسک بر شهرت قازانان استاد محترم وادی خطابتده ده بویوک موفقیت کوستردیلر . حضرتک بلاغت و ظرافتی ذاتاً مشهوردر . یالکز کندیسنی جوشدوره جق بر مسئله موضوع بحث ایدیلش اولسون ؛ آرتیق سوز کندیسنکدر . زنکین ومنسجم افاده سیله ، جید فکرلریله ، یوکسک ظرافتلریله مجلسی تزیین ، روحاری تنشیط ، فکرلری مستفید ایدر . اک فامض مسائل علمی و فلسفیه کی بسیط برشکه قویه رق محسوس بر مثال ایله توضیح ایتمک حضرته مخصوص بر مزیت تبایغدر . بومزیت حکیمانه لرینک مفتونی اولانلر عمومی خطابه لرده استادک دهسا بویوک قدرت و موفقیت ابراز بویوره جقلرینی تقدیر ایتدکلری جهته دائماً کندیسندن برقاج خطابه ایراد بویورمسنی رجا ایدرلردی ، فقط مفرط تواضعلری مع التأسف بورجانک اسعافه مانع اولیوردی . شیخ الاسلام اقدی حضرتلرینه تشکرلر اولنورکه دارالحکمة اعضالرینی جامعلرده مواعظ ایرادیلر توظیف بویوردیلرده استاذ حکیم کی بر نادره ذکایی عمومی خطابه لرله عامه مسلمینک افاضه قلبونه سوق ایتش اولدیلر . جناب حق توفیق احسان بویورسونلرده بو قیمتدار خطابه لر ، موعظه لر تمادی ایتسون . ایلك موعظه سنی مع التأسف تمامیله ضبط ایتمک ممکن اوله مادی . موضوعی ، خطوط عمومی سنی حقدنه بر فکر ویرمک اوزره خاطرده قاله بیان بعض قسملرینی نقل ایدیوروز . ان شاء الله بعدما ممکن مرتبه ضبطنه اعتنا اولونه جقدر .

بو کرسیده موعظه قیلندن بعض شیلر سویله یه جکیز . ایما ایله ، اشارتله سویله میه لزوم یوق . فکر منری آچیقجه سویله یه لم . اورته لقدم بر جریان مشوم وار : دیفسرک ، دینه قارشی بر خصومت . بز بو جریانک اوکنه کچمک ایچون مدافعات لازمه ده بولونمق ایسته یوروز . بو کرسیده فروع احکام دینه دن بحث ایدمک دکلر . دائماً بو نقطه

اطرافنده طولاشه جقز . شو حالده بزم موعظه من خصوصی بر ماهیق حائردر . چونکه اک مهم موضوع بودر . مثلاً بر آغاج اولور . چیچکلری ، یاپراقلری ، طراوتی ، نضارتی کورولور . فقط آغاجک کوکنه بعض میغروبلا هجوم ایدیور . اورادن چور و تمک ایسته یورلر . شیمدی حاذق بر باغچوان آغاجک کوکنی بر اقوب داللیله اوغراشماز . چونکه اصل ثابت اولونجه فرع بالطبع ثابت اولور . مسئله کوکده در . دالده ، بوداقده دکل . اصله نسبتاً فروعده آغاجک داللی کی در . کوک مصون اولورسه او آغاجک داللی هر زمان تر و تازه طورور .

هر حادثه بر علتک اثریدر . دنیا ده نه قدر شی کورولورسه بونلر هپ علل و معلولات متسلسله قیلندندر . یعنی نه اولمش سه مطلقا اونی اولدوره جق بر سبب واردر . معلول خوش کورولمدیکی تقدیرده علتک ازاله سی واجب اولور . اوت ، هر شینک چارده سی واردر . جناب حق قرآن مبینده (واعدوا لهم ما استطعتم من قوة) بویورسور . یعنی سز دشمنکزه قارشی استطاعتکزه داخلنده اولان قوتک کافه سنی حاضر لایکزه . بو آیت کریمه جهاد اصغر حقدنه وارد اولمشدر . موردی خاص اولان بو آیت هر نوع جهاده تشمیل ایدیلر بیلیر . دین مبینی محافظه ایسه بوتون جهادلرک اقدمی واعظمیدر . ذاتاً اوت کی جهاددن مقصده ده بودکلی یا ؛ بو نوع جهاده سببیت ویرن هر نوع دشمنلره قارشی اسباب مدافعه کی حاضر لامالی یز .

هر اثر بر مؤثر دن تولد ایتدیکی کی بوجریانک ده خفی ، جلی بر مؤثرک اثری اولدینی انکار ایدیلر من . مطلقا اونک ده بر علتی واردر . یعنی بوده تحاول ضروری نتیجه سی اوله بیلیر . بوجریانلره قارشی تهوور ، غضب ، حدت ... بونلر ش شیلردر . بونلرک هپسی عجز علامتی در . هر دردک بردواسی واردر . بومسئله یک ناز کدر . بوراده اولیه عصیته مغلوب اولمق ، اعتدال دمی محافظه ایدممه مک یک فنا نتیجه لر ویرر . حتی بنم اعتقاده کوره فائده دن زیاده مضرت ویرر . بویله دکلکی ؛ بوراده اسلوب حکیمانه ایله اداره فکر و کلام ایتمک لازم کلیر . اولیه تهدید ایله ، تتم ایله هیچ بر مثبت نتیجه الله ایدیلر من . زیرا بو کی عقل و منطقتدن خارج مدافعات سقیمه خصمه حق قبول ایتدیرمک شوبله دورسون ، اونی ده ازیاده تمرد و تجلده سوق ایدر . بو بر عرض ، ده ، طوغرولسی بر مرضدر . هر مرضک بر چاره دفی اولدینی کی اربابی ایچون بونک ده بر چاره دفی واردر . اولیه ایسه بر طیب حاذق بر خسته مک یانه کیتدیکی زمان خسته یی خسته اولدیفندن طولانی تکدیر ایدمک اولورسه اونک نه حذاقندن ، نه مهارتندن هیچ بر استفاده حاصل اولماز . حتی حکیم حاذق خسته مک اوفق تفک تجاوزاتنه صبر وسکینتله مقابله ایدر . اونک سائقه مرضله سویلدیکی متهورانه سوزلرده قولاق آصماز . مقتضای فن ، ایجاب حاله ایسه اونکله مشغول اولور . بو عالم شونده مشهود اولان تحولاتک ، تبدلاتک هپ منشای واردر . ایش بومنشای بیلیمکده ، مقتضایه کوره حرکت ایتیمکده در .